



Broj: 01/1-50-1-1-63/09
Sarajevo, 26.2.2009. godine

Z A P I S N I K

63. sjednice Ustavnopravne komisije

Sjednica je održana 26. 2. 2009. , s početkom u 14 sati.

Sjednici su prisustvovali članovi Komisije: Šefik Džaferović, Lazar Prodanović, Halid Genjac, Ekrem Ajanović i Adem Huskić.

Sjednici su naknadno pristupili članovi Komisije: Momčilo Novaković, Velimir Jukić i Martin Raguž.

Sjednici nije prisustvovao član Komisije Drago Kalabić.

Osim članova Komisije, sjednici su prisustvovali predstavnici: Ministarstva pravde BiH Milana Popadić, Ministarstva civilnih poslova BiH Alma Gutić i Damir Dizdarević, Ministarstva sigurnosti BiH Amela Bašić i Ljiljana Trišić, Ministarstva finansija i trezora BiH Biljana Tabaković, OHR-a Maja Ribar, NATO-a Damir Šikuljak, Ambasade SAD-a Gregory Shaw, te Sektora za odnose s javnošću PSBiH Zoran Brkić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Komisija je jednoglasno usvojila sljedeći

D N E V N I R E D

1. Usvajanje Zapisnika 62. sjednice Komisije, održane 11.2.2009.;
2. Prijedlog amandmana na Ustav BiH ,predlagač: Vijeće ministara BiH (**Ustavni osnov i principi u skladu s članom 133. stav (1) Poslovnika Doma**);
3. Prijedlog zakona o izmjenama i dopunama Zakona o osnivanju Izvožno-kreditne agencije BiH, predlagač: Vijeće ministara BiH (**usklađenost sa Ustavom BiH i pravnim sistemom u skladu s članom 103. Poslovnika Doma**);
4. Prijedlog zakona o izmjenama i dopunama Zakona o odbrani BiH, predlagač: Vijeće ministara BiH (**usklađenost sa Ustavom BiH i pravnim sistemom u skladu s članom 103. Poslovnika Doma**);
5. Prijedlog zakona o izmjenama i dopunama Zakona o službi u Oružanim snagama BiH, predlagač: Vijeće ministara BiH (**usklađenost sa Ustavom BiH i pravnim sistemom u skladu s članom 103. Poslovnika Doma**);
6. Prijedlog zakona o izmjenama i dopunama Zakona o Agenciji za rad i zapošljavanje BiH, predlagač: Vijeće ministara BiH (**postupak u nadležnoj komisiji u skladu s članom 110.Poslovnika Doma**);
7. Prijedlog zakona o besplatnoj pravnoj pomoći, predlagač: Vijeće ministara BiH (**postupak u nadležnoj komisiji u skladu s članom 110.Poslovnika Doma**);
8. Prijedlog zakona o izmjenama i dopunama Zakona o državnoj službi u institucijama BiH, predlagač: Vijeće ministara BiH (**postupak u nadležnoj komisiji u skladu s članom 110.Poslovnika Doma**);
9. Prijedlog zakona o izmjenama i dopunama Zakona o ministarstvima i drugim organima uprave BiH, predlagač: Vijeće ministara BiH (**postupak u nadležnoj komisiji u skladu s članom 110.Poslovnika Doma**);
10. Prijedlog zakona o međunarodnoj pravnoj pomoći u krivičnim stvarima, predlagač: Vijeće ministara BiH (**postupak u nadležnoj komisiji u skladu s članom 110.Poslovnika Doma**);
11. Ostala pitanja:
 - Informacija o krivičnim djelima protiv dostojanstva ličnosti i morala u BiH s naglaskom na krivična djela krijumčarenja, trgovine ljudima u 2006. i 2007. godini i u prvih devet mjeseci 2008. godine, podnosilac: Ministarstvo sigurnosti BiH (**razmatranje informacije u skladu s članom 41.stav (2) Poslovnika Doma**);
 - Prijedlog državne strategije za nadzor nad opojnim drogama, sprečavanje i suzbijanje zloupotrebe opojnih droga u BiH (**razmatranje informacije u skladu s članom 41.stav (2) Poslovnika Doma**);

- Incijativa za formiranje radne grupe za izradu teksta novog Ustava BiH, predlagači: poslanici Martin Raguž i Vinko Zorić (**razmatranje inicijative u skladu s članom 64. stav (2) Poslovnika Doma**).

Ad.1. Usvajanje Zapisnika 62. sjednice Komisije, održane 11.2.2009.

S obzirom da nije bilo rasprave, Komisija je jednoglasno usvojila Zapisnik 62. sjednice.

Ad.2. Prijedlog Amandmana na Ustav Bosne i Hercegovine, predlagač: Vijeće ministara BiH (Ustavni osnov i principi u skladu s članom 133. stav (1) Poslovnika Doma)

Nakon rasprave, Komisija je, sa osam glasova „za“, bez glasova „protiv“ i bez „suzdržanih“ glasova, utvrdila da:

- postoji valjan ustavnopravni osnov za donošenje Amandmana I. na Ustav BiH.

Komisija je, sa šest glasova „za“, dva glasa „protiv“ i bez „suzdržanih“ glasova, podržala principe Prijedloga amandmana I. na Ustav BiH.

Ad.3. Prijedlog zakona o izmjenama i dopunama Zakona o osnivanju Izvožno-kreditne agencije BiH, predlagač: Vijeće ministara BiH (usklađenost sa Ustavom BiH i pravnim sistemom u skladu s članom 103. Poslovnika Doma)

Komisija je nakon rasprave, s četiri glasa „za“, bez glasova „protiv“ i jednim „suzdržanim“ glasom, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad.4. Prijedlog zakona o izmjenama i dopunama Zakona o odbrani BiH, predlagač: Vijeće ministara BiH (usklađenost sa Ustavom BiH i pravnim sistemom u skladu s članom 103. Poslovnika Doma)

Komisija je nakon rasprave jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad.5. Prijedlog zakona o izmjenama i dopunama Zakona o službi u Oružanim snagama BiH, predlagač: Vijeće ministara BiH (usklađenost sa Ustavom BiH i pravnim sistemom u skladu s članom 103. Poslovnika Doma);

Komisija je nakon rasprave jednoglasno utvrdila :

- Postoji valjan ustavnopravni osnov za donošenje Zakona;
- Prijedlog zakona je usklađen s Ustavom i pravnim sistemom.

Ad.6. Prijedlog zakona o izmjenama i dopunama Zakona o Agenciji za rad i zapošljavanje BiH, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma)

Predsjedavajući je otvorio raspravu u kojoj je učestvovao član Komisije Lazar Prodanović. Komisija je nakon rasprave jednoglasno odlučila sljedeće:

- Ustavnopravna komisija predlaže Kolegiju Doma da prihvati zahtjev Komisije i produži rok za dostavljanje izvještaja za 15 dana;
- Komisija je odlučila da formira radnu grupu u koju su imenovani članovi Komisije i predlagač amandmana: Martin Raguž, Drago Kalabić i Remzija Kadrić, koja se zadužuje da do naredne sjednice Komisije s predstavnicima Ministarstva civilnih poslova BiH i Agencije za rad i zapošljavanje BiH podnese usaglašene amandmane na Prijedlog zakona.

**Ad.7. Prijedlog zakona o besplatnoj pravnoj pomoći, predlagač: Vijeće ministara BiH
(postupak u nadležnoj komisiji u skladu s članom 110.Poslovnika Doma)**

Komisija je nakon rasprave jednoglasno:

- prihvatila tekst Prijedloga zakona o besplatnoj pravnoj pomoći i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

**Ad.8. Prijedlog zakona o izmjenama i dopunama Zakona o državnoj službi u institucijama BiH,
predlagač: Vijeće ministara BiH (postupak u nadležnoj komisiji u skladu
s članom 110.Poslovnika Doma)**

Komisija je nakon rasprave jednoglasno odlučila sljedeće:

- Ustavnopravna komisija predlaže Kolegiju Doma da prihvati zahtjev Komisije i produži rok za dostavljanje izvještaja za 15 dana;
- Komisija je odlučila da formira radnu grupu u koju su imenovani članovi Komisije: Halid Genjac, Lazar Prodanović i Velimir Jukić, koja se zadužuje da do naredne sjednice Komisije s predstavnicima Ministarstva pravde BiH, Agencije za državnu službu BiH i Ureda visokog predstavnika podnese usaglašene amandmane na Prijedlog zakona.

**Ad.9. Prijedlog zakona o izmjenama i dopunama Zakona o ministarstvima i drugim
organima uprave BiH, predlagač: Vijeće ministara BiH
(postupak u nadležnoj komisiji u skladu s članom 110.Poslovnika Doma)**

Komisija je nakon rasprave jednoglasno:

- prihvatila tekst Prijedloga zakona o izmjenama i dopunama Zakona o ministarstvima i drugim organima uprave Bosne i Hercegovine i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

**Ad.10. Prijedlog zakona o međunarodnoj pravnoj pomoći u krivičnim stvarima,
predlagač: Vijeće ministara BiH
(postupak u nadležnoj komisiji u skladu s članom 110.Poslovnika Doma)**

Komisija je nakon rasprave, sa šest glasova „za“, jednim glasom „protiv“ i jednim „suzdržanim“ glasom:

- prihvatila tekst Prijedloga zakona o međunarodnoj pravnoj pomoći u krivičnim stvarima i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.11. Ostala pitanja:

- **Informacija o krivičnim djelima protiv dostojanstva ličnosti i morala u BiH s naglaskom na krivična djela krijumčarenja, trgovine ljudima u 2006. i 2007. godini i u prvih devet mjeseci 2008. godine, podnosilac: Ministarstvo sigurnosti BiH (razmatranje informacije u skladu s članom 41.stav (2) Poslovnika Doma)**

Komisija je, nakon rasprave, jednoglasno prihvatila Informaciju o krivičnim djelima protiv dostojanstva ličnosti i morala u BiH s naglaskom na krivična djela krijumčarenja, trgovine ljudima u 2006. i 2007. godini i u prvih devet mjeseci 2008. godine i predlaže Predstavničkom domu da navedenu informaciju primi k znanju.

- **Prijedlog državne strategije za nadzor nad opojnim drogama, sprečavanje i suzbijanje zloupotrebe opojnih droga u BiH (razmatranje informacije u skladu s članom 41.stav (2) Poslovnika Doma)**

Nakon rasprave, Ustavnopravna komisija jednoglasno je prihvatila Prijedlog državne strategije za nadzor nad opojnim drogama, sprečavanje i suzbijanje zloupotrebe opojnih droga u BiH koji je sačinjen na osnovu odredbe člana 7. Zakona o sprečavanju i suzbijanju zloupotrebe opojnih droga („Službeni glasnik BiH“, br. 8/06).

Ustavnopravna komisija predlaže Predstavničkom domu da usvoji Prijedlog državne strategije za nadzor nad opojnim drogama, sprečavanje i suzbijanje zloupotrebe opojnih droga u BiH.

- **Inicijativa za formiranje radne grupe grupe za izradu teksta novog Ustava BiH, predlagači: poslanici Martin Raguž i Vinko Zorić (razmatranje inicijative u skladu s članom 64. stav (2) Poslovnika Doma)**
- Nakon rasprave, Ustavnopravna komisija jednoglasno je utvrdila da je navedena inicijativa podnesena u skladu s odredbom člana 8. Poslovnika Predstavničkog doma;
- U skladu s odredbom člana 64. stav (2) Poslovnika Predstavničkog doma, Ustavnopravna komisija predlaže da se o Inicijativi za formiranje radne grupe za izradu teksta novog Ustava BiH raspravlja i donese odluka na sjednici Doma.

S obzirom da nije bilo više pitanja, sjednica je završena u 15, 30 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović